

林譯小說 第二集
第四編

焦頭爛額 下

上海商務印書館出版



焦頭爛額卷下

第五章

女出未移時。卽以書至。尼可卡忒讀其書曰密詣黑司忒。吾聞傳言。謂爾母女。以我爲仇讐。咸云。吾以術促爾父入檀香山。吾安有此事。吾今掬誠告爾。此言初無根據。甚欲與女士晤面。未審能許我否。果許我者。趣作答。下書德魯曼啓。尼可卡忒曰。此物至狡猾。幸不入其個中。女曰。幸謝先生惠教。尼可卡忒曰。以理度之。彼知爾父親外行。非彼所迫。此書均僞言。尤知爾父悉其行爲。此書之來。想女士必已知之。女曰。此人初未相稔。但匆匆一面。亦未嘗有羨慕之色。尼可卡忒曰。不慕色亦必慕財。女曰。然顧卽羨慕。亦無。

下嫁之理。尼可卡忒曰。我意報書。允其來面。女曰。如先生所命。尼可卡忒曰。約會務在明夕。果今夕相見。且勿與談。女曰。吾思今夕決難。相見尼可卡忒曰。女士今夕不赴彌落會耶。女曰。赴之。尼可卡忒曰。與母夫人同出乎。女曰。每出必侍吾母。尼可卡忒曰。在會中。雖不見。彼然亦有人隱伺。其後其人卽女僕也。女曰。卽在謙會中乎。尼可卡忒曰。吾亦在彼間。則僞爾母夫人之世父。想女士未觀公報。吾已作數行列入報闌矣。語後尼可卡忒出。復別至一處。矯裝而出。則白髯白髮一盛服貴人也。執杖。杖首鑲之以金。謙會在商會之公所。公謙彌落。彌落者。開河公司之代表。以事至此。於是羣商開會歡迎。會中男女雜沓。時至黑司忒與其母巴琳同至。巴琳者四十許麗人也。而巴琳時時留意門外。少須。一老人自門。

外入則僞爲行德森者卽與巴琳夫人執手呼姪女謂在紐約時本欲常見若夫乃不期赴檀香山乃不之見巴琳曰吾夫至檀香山習靜以近來遇失意事多因之怏怏無歡意行德森曰爾勿言煩惱事巴琳曰天下人既不能自醫其病則但有忍受而已正紛談時聞門外有喧譁聲少須入一巡警顏色喜悅言曰諸公勿怪吾冒昧而至蓋欲調查一事行德森曰朋友似太無理若敢爲無禮之言者勿謂吾老能驅爾於外巡警曰爾爲何人行德森曰若不識我耶卽擲名紙於地巡警拾觀後納之襟間言曰然則中將矣幸勿見罪於是匆匆而出時遇德魯曼德魯曼曰如何巡警者器克也言曰彼已在是德魯曼曰中將行德森乎器克曰彼一呈露吾謀立改君今將需我何爲德魯曼曰筵散後爾引此老入

偏僻之地。器克曰。易耳。吾已調弄其人一次耳。後當與之告罪。更圖接談。德魯曼曰。汝引出其人後。自陳傾服之衷。並盛獎其當時之戰績。俾之喜悅。器克曰。驟貢甘言。其能入耶。德魯曼曰。此等喜詔。至於極地。無難動之以言。器克曰。謹如言行之。德魯曼曰。必先強治以情。然後唯我所欲。果不如是者。則我言爲謬。器克曰。將引致何地。德魯曼曰。此城數咪有小山。可引置其間。山去周琴所居非遠。周琴者。文學家也。汝引是人。往訪周琴。器克曰。後此如何。德魯曼曰。他果訪周琴者。汝趣引之行。器克曰。設已行至山上。則下此如何。德魯曼曰。但能引致山中。餘事我自承之。二人議定。僞包司登沙姆。卽匆匆復入內。與行德森攀談。二人之心。旣相印。果約同車。往訪周琴。器克遂於席間。一一告僞行德森。而僞行德森聞。

之。夷然曰。我久已料其如此。且吾之僞飾行德森。卽以術勾致其人。須知德魯曼。欲得此五萬金甚急。今聞馬卡司赴檀香山。計無可施。故易轍。將圖行德森之金。器克聽之。汝旣至山。卽速歸瓦尼。住宅嚴守。巴琳母女以待吾歸。器克應諾。尼可卡忒曰。吾觀爾神經似不甚寧。何也。器克曰。吾微覺不爽。亦不知所以。二人傾談間。而常聞女客。則談跳舞事。而尼可卡忒僞爲老來不堪久坐。遂先歸加倫豆逆旅中。仍自名爲中將行德森也。尼可卡忒去後。器克卽往尋德魯曼。坐談少時。器克卽至加倫豆與僞行德森同車出城。路經小村莊。見一人在逆旅樓窗中。卽真包司登沙姆也。立時閉窗入內。尼可卡忒曰。汝不見其人乎。彼見我而避。是必有故。器克曰。然。彼見我而避。其中正自難測。尼可卡忒曰。或吾輩未之備。

留其罅隙。使德魯曼知之。汝之僞爲包司登沙姆。或德魯曼已知之矣。器克曰。先生謂德魯曼知我非包司登沙姆乎。尼可卡忒曰。然想包司登沙姆已與德魯曼相見矣。此時馬車已過真包司登沙姆所居處略遠。器克曰。今當以術備之。尼可卡忒曰。吾仍以車行汝下車。卽往覓包司登沙姆。當相機行事。勿落其坎陷之中。器克曰。諾。於是二人無言。器克卽匆匆歸覓包司登沙姆。正欲登樓而真假二人適相見。彼此互疑。真沙姆曰。吾方覓爾。僞沙姆曰。覓我。何爲真沙姆笑曰。吾方覓爾。爾竟來此。甚佳。可同登樓。於是真者先行。僞者後隨。此樓屋卽窗中見真沙姆出首外探之處。器克一見。卽知遇險矣。

第六章

彼此甫坐。器克卽曰。爾索我何爲。包司登沙姆曰。有事求教。器克曰。何事。包司登沙姆曰。敢問爾遣我赴沙沙里頭捕盜。此盜蓋永捕莫得者。器克曰。安知其無。包司登沙姆曰。名捕之人。身在月中。如何可覓。吾昨夕以舟歸城巴森。告我。我墜爾術中矣。器克大驚。以口噫氣作聲。知事敗矣。卽曰。汝於何處面巴森。包司登沙姆曰。見之於雷得雷翠提。器克曰。彼何由出獄。包司登沙姆曰。尼可卡忒。以書出之。器克曰。其事甚怪。包司登沙姆曰。警察長屈老婁平日信服尼可卡忒。故書來卽釋。器克曰。或有其事。然尼可卡忒又安在者。包司登沙姆曰。我不之知。或汝知之。器克曰。我何由知。包司登沙姆曰。汝爲彼伙伴。何爲不知。器克曰。汝何由知我爲彼伙伴。寧非瞽說。包司登沙姆曰。吾見巴森。又見德魯曼。則爾事吾已。

了。了。何用結此疑團。吾今日之在此間亦德魯曼調遣者。器克曰。汝何不與一黨同追中將而去。包司登沙姆笑曰。爾勿絮絮吾已備知爾之奸謀。語至此。器克立起。取手鎗。言曰。想德魯曼與爾連和。爭來陷我。今聽汝所爲。吾不汝懼。方器克取鎗而包司登沙姆。矗立而笑。並不取鎗。器克以鎗嚮其面。欲發乃不知器克所坐處。其上有天窗。有人踞天窗下。視則巴森也。執熨斗於手。重可十餘磅。然器克方向前趣。未及仰防。而巴森以熨斗下擲垂及其頭。器克聞聲。卽歛避其身。而熨斗適中右臂。鎗墜於地。器克方欲拾鎗。而沙姆來撲二人。遂逆命而鬪。時器克之頸已爲沙姆所扼。顧乘其未及時。而器克則力挽沙姆之腰。力舉之於空際。擲諸牆隅。而已不能起。器克拾鎗門聲。忽動巴森。已入力撲。器克以拳力。而

抵器克之額器克復閃身而避乃不知巴森所握者蓋胡椒屑也
撲器克二目辣不可當顧器克雖痛仍與巴森迸力力按巴森於
地以足蹴之而沙姆已起而助力器克大怒顧目痛而力偉而沙
姆竟出小刃刺器克器克模糊中已見之然不之懼力拳其面血
乃湧出復仰躡於樓心而巴森已被重創輾轉不能起器克此時
二目開闔各半啓關出樓外仍反關其扉而匙適在鑰竅則力扁
之而下樓而梯上似有物積疊而器克又病目不可辨認則以手
扶闌將下行可一二步忽倒顛而下身觸破篋及瓶甕之屬痛極
已墜覆中卽歸與巴森商酌而巴森創重昏而弗醒沙姆見巴森
不醒但能獨身下樓取器克旣下見器克尙暈卽抱入地窖中以

繩縛之閉關而出窖中無窗但牆上挾洞以通空氣一點鐘後器克蘇矣眼亦不痛唯屋中洞黑而器克則以爲目盲矣亦不計身之生死但防尼可卡忒之失敗或死於敵手則馬卡司之女必復遇險此次德魯曼所覓者不但金錢且與女郎之清節及性命大有關係器克待可半日竟無人來救。

第七章

德魯曼自與器克分手後卽至寓處躊躇若有所思似今夕所謀大有疑竇因斥馬卡司曰此守錢虜必知吾以計取其金且至紐約取尼可卡忒彼尼可卡忒爲紐約極著名之偵探乃不知智力適與我埒我竟有術以御之復思馬卡司何以自至檀香山其中不無可疑凝思久之忽念不如一探巴森旣至獄中見管獄之官

不。在。案。上。有。書。上。書。尼。可。卡。忒。卽。大。驚。引。手。探。窗。內。取。其。書。書。曰。
勿。論。何。人。有。與。巴。森。接。談。者。非。吾。書。萬。不。聽。入。德。魯。曼。見。司。獄。之。
卒。方。引。一。女。郎。探。獄。卽。自。腰。間。出。日。記。本。摹。仿。尼。可。卡。忒。之。手。迹。
德。魯。曼。僞。書。極。工。一。摹。卽。肖。遂。徐。徐。出。獄。過。新。聞。訪。事。人。之。室。德。
魯。曼。卽。至。其。中。取。筆。紙。作。僞。函。學。尼。可。卡。忒。之。簽。字。適。其。旁。有。遺。
榆。一。卽。用。此。箋。作。書。曰。適。有。一。事。甚。迫。以。北。省。有。逃。犯。至。此。此。非。
巴。森。助。我。不。能。了。請。暫。釋。其。人。資。其。相。助。爲。理。吾。身。不。能。自。至。請。
以。巴。森。付。德。魯。曼。領。歸。德。魯。曼。亦。吾。友。也。見。字。後。速。釋。巴。森。勿。緩。
下。簽。尼。可。卡。忒。之。名。卽。持。書。覓。管。獄。者。管。獄。者。卽。取。來。書。與。適。來。
之。書。相。印。證。乃。無。毫。髮。之。訛。卽。取。巴。森。付。德。魯。曼。二。人。同。至。酒。館。
此。時。尙。以。爲。尼。可。卡。忒。之。已。死。及。二。人。對。坐。未。久。而。包。司。登。沙。姆。

亦自外至。遂敍述尼可卡忒之未死。德魯曼知僞書之事。不久卽發。况尼可卡忒未死。則己之禍害決未了。幸託佳運。豫爲吾知。不然。將無可自脫。又思尼可卡忒果不死者。必先至馬卡司家問訊。則吾僞書事必不卽發。尙可自救躊躇久之。遂發遣二人以計授之。又僱得僞行德森及器克同車過提米卡羅。則預伏二人於彼間。乃自以快馬入山候僞行德森。而尼可卡忒與器克旣過包司登沙姆所伏之寓樓。立遺器克入僱沙姆。仍自以車入山。心中自念。獨身而來。不知此賊所伏何險。以待己。當節節備之。其初本欲探其實踪。以證其罪。今則決計擒之。但擒得德魯曼。卽定以空宅中害己之罪。以器克爲證。則德魯曼必死。而馬卡司全家脫險矣。決計旣定。知此去必得德魯曼。於是沿路留意。旣至山坡。緣徑而

上見一人坐俟山上視之德魯曼也尼可卡忒夷然不懼徐徐而上此時心中尙以德魯曼視己爲行德森也旣至德魯曼之前彼此相見而德魯曼之神宇已爲尼可卡忒所辨識己之謀敗矣知此來決無幸則仍爲行德森之狀不動聲色德魯曼招手延其下車問曰將軍獨來尙有巡士安往蓋問器克也尼可卡忒曰適在提米卡羅須斯卽來二人均了了於心僞爲酬應之辭狀如打譚然未宣戰也德魯曼曰中將行德森聽之吾有寶石一塊在此小屋之中卽指山樊間茅茨兩間尼可卡忒曰汝將寶石來此示我德魯曼曰吾寶瘞之土中尼可卡忒曰獨不掘而取之耶德魯曼曰可唯吾寶不宜露眼爲人所見尼可卡忒曰物非爾有乎果爲爾有何事畏人德魯曼曰吾買自礦師家蓋盜偷自礦師者尼可

卡忒曰。然則贓耳。德魯曼曰。中將欲得此物。以半價奉酬。中將碎而分售。決不爲人所知。尼可卡忒曰。吾必先觀寶石。正防其僞。德魯曼曰。吾亦欲中將見之。何必斬此一行。今且繫馬於樹間。徐步數武。卽至團焦尼可卡忒曰。吾老於此。頗生疎。且與爾初謀。面心防爾之狙。刦德魯曼曰。中將疑我乎。卽取腰下手鎗及小劍。置於道左。曰。請中將亦出所藏之兵器。同置於此。則彼此無猜矣。尼可卡忒曰。可。蓋自審武技可以立擒德魯曼。雖三人無懼也。於是二人各繫其馬。德魯曼爲導。尼可卡忒隨行。見屋中但有一窗。窗高不可內窺。德魯曼就窗外企足。而內窺。窺已招尼可卡忒同窺。尼可卡忒且窺。且備德魯曼也。見屋中百無所有。但有牆角木箱一。德魯曼曰。寶石。卽在箱下土中。試同進而挖之。德魯曼旣入。尼可

卡忒。息。息。爲。備。旣。入。尼。可。卡。忒。甫。近。門。而。德。魯。曼。自。外。推。而。入。之。
卽。退。而。引。其。扉。尼。可。卡。忒。知。必。有。禍。然。扉。薄。如。紙。不。難。蹴。之。立。破。
德。魯。曼。卽。往。取。手。鎗。亦。可。追。而。捉。之。甫。欲。奪。門。卽。聞。箱。中。蟠。蟠。而。
動。則。毒。蛇。聲。也。見。箱。中。出。響。鈴。蛇。五。尾。尼。可。卡。忒。生。平。素。勇。然。見。
狀。亦。懾。且。五。蛇。中。有。黑。蛇。一。絕。巨。先。奔。尼。可。卡。忒。尼。可。卡。忒。已。不。
能。脫。奪。門。不。及。登。窗。不。可。蛇。已。垂。及。然。萬。無。立。而。待。斃。之。理。忽。憶。
及。身。在。印。度。時。有。人。得。禁。勒。之。法。可。以。翻。弄。毒。蛇。曾。以。百。金。得。其。
術。於。是。以。齒。相。較。持。咒。而。蛇。卽。反。奔。入。諸。箱。中。尼。可。卡。忒。仍。持。咒。
力。欲。蹴。其。扉。而。又。止。思。德。魯。曼。必。以。己。爲。死。不。如。待。之。卽。聞。枯。葉。
上。有。履。聲。知。賊。近。矣。因。僞。爲。呻。吟。之。聲。卽。聞。鑰。動。門。開。尼。可。卡。忒。
卽。引。手。扼。入。者。之。吭。視。之。非。德。魯。曼。狀。如。獵。人。甚。碩。且。武。其。人。亦。

頗亢強尼可卡忒方扼其吭其人卽抱尼可卡忒之腰尼可卡忒脅且折則力扼之其人氣喘而力懈臥之於地尼可卡忒更扼之其人瞋然乃欲死而二目且突出舌亦伸諸脣外正於此時尼可卡忒方摩此人身際探取其鎗而毒蛇復出尼可卡忒力跳而出而蛇乃較此臥人立斃蛇方較人不之備而尼可卡忒疾執其尾摔而死之四蛇見王蛇已死亦竄窗而出入諸草間尼可卡忒視此獵人已死尼可卡忒卽掩其扉鑰之然頗憐其死之无妄其人盜也曾越獄而遁殺人者數卽爲德魯曼行刦之人取馬卡司妻女者卽爲是人尼可卡忒知德魯曼必歸而取己則匿於亂樹之間時自死人身上得手鎗二獵刀一頗用自壯未十分鐘間而德魯曼已至右手執鎗將近小屋聞屋中有呻吟聲德魯曼卽露喜。